

**Aqqusinikkut angallannermut oqartussaaffiup pigisanullu nalilinnut inatsisip
tiguneqarnissaanut tunngavissat tamarmik nassuiaasiorfigineqarnissaat siunertaralugu
Naalakkersuisut Naalagaaffiup oqartussaasuinut saaffigineqqullugit
peqquneqarnissaannik Inatsisartut aalajangiiffigisassatut siunnersuut**

pillugu

Inatsisinut Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Aqqalu Jerimiassen, Atassut, siulittaasup tullia
Inatsisartunut ilaasortaq Najaaraq Møller, Siumut
Inatsisartunut ilaasortaq Harald Bianco, Inuit Ataqtigiit
Inatsisartunut ilaasortaq Asii Chemnitz Narup, Inuit Ataqtigiit

Ulloq 18. oktober 2022-mi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Aqqusinikkut angallannermut oqartussaaffiup pigisanullu nalilinnut inatsisip
tiguneqarnissaanut tunngavissat tamarmik nassuiaasiorfigineqarnissaat siunertaralugu
Naalakkersuisut Naalagaaffiup oqartussaasuinut saaffiginnissamut siunnersuutikkut
peqquneqassapput.

**Siunnersuutip Inatsisartunit siullermeerneqarnera aammalu allannguutissatut
siunnersuut**

Oqallinnermi suliassaqarfinnik tigusinissat ataasiakkaarlugit nalilerneqassanersut imaluunniit
ataatsimoortumik naliliiffigineqassanersut oqallisigineqarpoq. Oqallinnermi Demokraatit
allannguutissatut siunnersuummik imaattumik saqqummiussipput:

Inatsisartunut aalajangigassatut siunnersuut, Naalakkersuisut peqquneqassasut danskit naalagaaffiannut atassuteqaqqullugit nalunaarusioqqullugu oqartussaaffiit, Danmarkimit ingerlanneqartut ataatsimut nalunaarusiorneqassasut aningaasatigut inuttullu nukiiit- piginnaasallu pisariaqartinneqartut pillugit. Taakkua inuiaqatigiinnut kingunissai taamatuttaaq sukumiisumik nassuiarlugillu allaaseralugit. Nassuiaatip suliarinera aallartinneqareersimassaaq kingusinnerpaamik 1. Marts 2023 nassuiaallu piareersimassalluni Inatsisartunullu agguanneqareersimassalluni UKA2024 pitinnagu.


Ataatsimiititaliap siunnersuummik suliarinninnera

Allannguutissatut siunnersuut allannguisuunnginnissamik piumasaqaammik eqqortitsinngilaq. Tamanna ima paasineqassaaq aalajangiiffigisassatut siunnersuummut allannguutissatut siunnersuut ima allannguisuutigissanngitsoq allannguutissatut siunnersuummik akuersissutiginninnikkut aalajangiiffigisassatut siunnersuutip Inatsisartunit marloriarluni suliarineqarnissaanik piumasaqaat unioqputinneqarluni.

Ataatsimiititaliap inassuteqaatai

Ataatsimiititaliap isumaqatigiittup siunnersuutip akuerineqarnissaa inassutigaa allannguutissatullu siunnersuutip itigartinneqarnissaa inassutigalugu.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Anders Olsen
Siulittaasoq



Aqqalu Jerimiassen
Siulittaasup tullia



Najaaraq Møller



Harald Bianco



Asii Chemnitz Narup